

ПЯТИДЕСЯТНИЦА

Первый антифон

Чтец: Небеса поведают славу Божию. Молитвами Богородицы, Спасе, спаси нас.

Люди: Небеса поведают славу Божию, творение же руку Его возвещает твердь. Молитвами Богородицы, Спасе, спаси нас.

Чтец: День дни отрыгает глагол, и ночь ноши возвещает разум. Молитвами Богородицы, Спасе, спаси нас.

Люди: Во всю землю изыде вещание их, и в концы вселенных глаголы их. Молитвами Богородицы, Спасе, спаси нас. Слава Отцу и Сыну и Святому Духу и ныне и присно и во веки веков, аминь. Молитвами Богородицы, Спасе, спаси нас.

Второй антифон

Чтец: Услышит тя Господь в день печали. Спаси ны Утешителю Благий поющая Ти: аллилуиа.

Люди: Услышит тя Господь в день печали, защитит тя имя Бога Иаковля. Спаси ны Утешителю Благий:

Чтец: Послет ти помощь от Святаго и от Сиона заступит тя. Спаси ны Утешителю Благий:

Люди: Даст ти Господь по сердцу твоему, и весь совет твой исполнит. Спаси ны Утешителю Благий:

Слава Отцу и Сыну и Святому Духу и ныне и присно и во веки веков, аминь. Единородный Сыне и Слове Божий, безсмертен Сый, и изволивый спасения нашего ради воплотится от Святыя Богородицы и Приснодевы Марии, непреложно вочеловечивыйся, распныйся же Христе Боже, смертью смертью поправый, Един Сый Святыя Троицы, прославляемый Отцу и Святому Духу, спаси нас

Третий антифон:

Чтец: Господи, силою Твоею возвеселится царь.

Люди: Благословен еси Христе Боже наш, Иже премудры ловцы явлей, низпослав им Духа Святаго, и теми уловлей вселенную, Человеколюбче слава Тебе.

Люди: Господи, силою Твоею возвеселится царь, и о спасении Твоем возрадуется зело. Тропарь: Благословен еси Христе Боже наш:

Чтец: Желание сердца его дал еси ему, и хотения устну его неси лишил его.

Люди: Благословен еси Христе Боже наш:

Чтец: Яко предварил еси его благословением благостынным, положил еси на главе его венец от камене честна. *Люди:* Благословен еси Христе Боже наш:

Входное: Вознесися Господи силою Твоею, воспоем и поем силы Твоя. *Люди:* Благословен еси Христе Боже наш: Слава, и ныне: Егда снизшед языки слия, разделяше языки Вышний: егда же огненные языки раздаяше, в соединение вся призва, и согласно славим Всесвятаго Духа.

Вместо же Трисвятаго: Елицы во Христа крестистесь, во Христа облекостесь, аллилуиа.

Прокимен, глас 8: Во всю землю изыде вещание их, и в концы вселенных глаголы их. Стих: Небеса поведают славу Божию, творение же руку Его возвещает твердь.